

國  
朝  
詩  
鐸

國朝詩鐸卷八

錢唐張應昌仲甫選輯

丈量

丈洲行

錢澄之

今年有官來丈洲千金之產充洲頭稅加十倍出散戶  
散戶逃亡洲頭補洲已崩去稅在身富賣山田貧賣女  
邨人訛傳官如虎洲頭那當鞭撻苦情願破產共輸金  
求官勿來官不許官通算法善開方到洲升合無敢藏  
誰者傳此勾股術使我洲頭家家泣

民謠之一

尤侗

國朝言金  
急丈田長洲縣田幾何百餘萬奉部文一年限 朝廷  
丈田除浮糧浮糧若除須補亡下跨河水上山岡菜畦  
菱蕩都抵當插旗四角周中央男奔女走羣張惶上官  
督縣令縣令責里正里正不識弓尺寸轉僱狙獯代持  
籌長短方圓一手定一手定一手更私田縮公田盈移  
重挪輕無不有田主瞠眼不敢爭縣家覆丈豈能徧但  
取溢額可考成急丈田限一年官比粟吏索錢官田未  
見增什一民錢已聞費百千君不見一縣圖書七百四  
十一日造黃冊堆積高於天

鷓鴣灘紀事

管 輪

顛頭禿樹茅屋破有一老翁獨跣坐問翁年紀今幾何

頭白齒童何所作

去聲

答言蹉跎七十強屢遭喪亂形神

傷避兵直上猿栖穴運餉常過犴子鄉十二年來兵革  
少結茅比地還草草山田地瘠常苦耕十有九旱一卽  
潦兩兒四孫食指繁一歲勤種多無存官租徵罷尙不  
足促夫僱馬還來村前年又下丈量示索雞呼酒盈差  
吏叢巖密箐皆不遺競以報多爲上計我家薄地三五  
區頻年水旱多荒蕪今歲計畝又盈倍犖械不敢畱錙  
銖大兒勤耕無力作小兒差夫赴官約幼孫門東方叫  
號瓶中無米將誰索老翁七十還何求夜夢不免追呼

憂吏來又要報荒產欲訴長令門無由我聞此言心甚  
惻青山向我愁眉結老翁老翁慎勿言保爾童穉兼邱  
園前年秦隴大饑饉詔書日下行蠲賑此地曾經戰伐  
餘何人蚤上鄭監圖朝廷雅重汲內史君等勿爲桑大  
夫

催科

催糧行

錢澄之

催完糧催完糧莫遣催糧吏下鄉吏下鄉何太急官家  
刑法禁不得新來官長亦愛民那信民家如此貧朝廷  
考課催科重鄉里小民肌膚痛官久漸覺民命輕耳熟

甯聞冤號聲新增有名官有限兒女賣成早上縣君不  
聞邨南大姓吏催糧夜深公然上婦牀

寡婦行

張 丹

荒邨積雨生荆杞春田麥爛春火死十室九戶閉門坐  
葛蛇藤鼠竄牀底中有寡婦抱兒泣仰天張眼淚不已  
門前柏樹嘯曉烏樹下行人持火符赤腳麻鞋泥滑滑  
敲門直入中堂呼云是胥徒催賦稅官令不得遲斯須  
行糧火耗無不有更教點卷撥民夫卷卷里正有兒名  
弓矢要錢馬要芻大竹之皮日敲扑五日一比臀無膚  
寡婦聞之雙淚滴眼看孤兒聲不去年秋稅賣花田

今年春雨空華室。十日不火釜生塵。死生母子何可必。  
此時吏徒如虎攫。坐索酒黍要雞鴨。面赤眼白看青天。  
啾啾唧唧多輕薄。寡婦出門賒酒至。白芋黃韭復大嚼。

歲暮行

龔鼎孳

天寒鼓柁生悲風。殘年白頭高浪中。地經江徼飽焚掠。  
夜夜防賊彎長弓。荒邨哀哀寡婦哭。山田瘦盡無耕農。  
男逃女竄迫兵火。千墟萬落倉箱空。昨夜少府下急牒。  
軍興無策寬蜚鴻。新糧舊稅同立限。入不及格書鴛庸。  
有司纍纍罪貶削。緡錢難鑄山非銅。朝廷寬大重生息。  
羣公固合哀愚蒙。揭竿扶杖盡赤子。休兵薄斂恩須終。

湖西行

辛丑分守湖西襄陽歲饑有司坐道賦失職相望余奉檄按部督促是時西南用兵

不適時符牒三四至吏民後期者法無赦烏虜一官既斥不敢辭當奈民何有病相告誠而已

施閏章

節使坐徵斂此事舊所無軍糈日夜急安敢久踟躕昨日令方下今日期已逾攬轡馳四野蕭條少民居荆榛蔽窮巷原田一何蕪野老長跪言今年水旱俱破壁復何有永訣惟妻孥腸斷聽此語掩袂徒驚吁所慚務敲扑以榮不肖軀國恩實寬厚前此已蠲逋士卒待晨炊孰能緩須臾行吟重嗚咽淚盡空山隅

催科行

方中發



負郭荒田百餘畝一半兔葵一半莠十年九年無升斗  
日日追呼急奔走可憐重趼手還空輸將常苦居人後  
望上怒號吼若雷杖死不許一開口我家貴人未沒前  
胥吏到門同寒蟬如今箕踞中堂上瞋目大叫橫索錢  
割雞治酒兄事之強拭淚痕笑相延早知廉吏子孫貧  
不如被褐還負薪親舊閉門小人侮敢言苛政猛如虎

布穀謠

邵長蘅

邨墟五月布穀鳴家家驅牛向田塍誰令我家充里正  
荒田地白不得耕昨日縣卒至驅迫入城市官府怒我  
輸稅遲繫獄一日再論答肉腐蟲生垢面蓬首親交來

相探牽衣泣下不能止。附書與親交。歸告我妻賣兒子。

庚申春日記所見

顧彩

江南何其悲草木不容長萌芽纔發生已爲飢民饗無  
食思播遷無廬何偃仰強半枯瘠兒形骸類魍魎久餓  
腸已摧兼絕粥餽想終填涸鮒轍豈受江湖養漸漸二  
麥秀今歲庶豐穰存者或得餐死者魂已往如何催科  
吏程限不暫爽鞭撻鳩鵠民驅令供軍餉徒有骸骨存  
安能事耕紡苦役彌乾坤蒸黎在羅網反羨死者安無  
膚受笞杖我爲飢寒驅終朝逐塵埃騎驢蹴骷髏三三  
更兩兩低眉不忍看汗出忽盈額荒原萬鬼哭落日衆

田響猶有劫餘人含悲述惆悵

金德嘉典衣詞麥粥歎見田家門

催租行

朱樟

催租吏不出卹手持官票夜捉人今年官糧去年欠不  
待二麥田頭春衙鼓三聲上堂坐又發雷籤急於火新例  
以風火新糧半待舊糧催前差未去後差來男呻女吟  
雷籤迫數錢先償草鞋費剗肉徒充隸蠹肥醫瘡豈爲  
百無計農夫計誰憐禾黍被風吹秋粒無收官不知官不知誰  
與說短袖貧兒仰天泣不求按畝踰荒田只望緩征勾  
縣帖春來雨水皆及時青桑吐葉無附枝蠶山落繭車

有絲不怕官庫堆錢遲東鄰白頭嫗起早黃口小兒號  
不飽無錢能買爪牙威七十老翁擎過卯

杭州比糧日謂之過卯

### 臨江道中

胡慶豫

舟行江岸高苦爲暑氣逼維舟長林間緩步入巖側茅  
茨四五家寂寞炊煙息稚子嚙門東老婦聲唧唧鄉語  
未分明似訴朝無食老翁仰天呼語發淚霑臆去年雨  
不濡無禾又無麥今年夏徂秋井枯田盡圻狼莠旣弗  
除良田亦爲石上官急兵需豈念民肥瘠府帖日三下  
追呼一何迫縣吏夜敲門眠臥不貼席報災徒紛紛乃  
爲州縣格天子誠愛民九閭萬里隔嗟哉部屋愁我

聞心怵惕安得長空雲平疇遍膏澤

剝啄行

張澤黎

剝啄剝啄聲頻頻門前果到催科人意中怵怵向有此  
不道風雨來侵晨縣符一紙持吏手聞說新官立法新  
軟語低言苦不足欲勞來人無酒肉黃梅一雨釜生魚  
撲撲縛雞雞上屋

乞兒行

劉青藜

天寒歲聿暮風雪無時休行邁日遲遲舉目增我愁念  
彼流亡人顛連滿道周况復挽我車哀呼聲啾啾借問  
爾何鄉何爲此淹畱答云家晉陽耕桑頗自謀頻歲遭

水旱田畝少所收。忍饑寬正賦。不肯辭。故邛有司借名目。無藝日誅求。黠者依險阻。跳梁弄戈矛。軟弱守窮巷。鉤索反見仇。血淚灑公庭。繫頸等罪囚。低聲向老吏。乞歸鬻兒酬。咆哮甚猛虎。索保始領頭。脫身攜妻子。棄家到中州。聞說南陽界。荒陂足鋤耰。牛種旣難辦。棲身何所投。匍匐大道旁。殘喘仰行輈。今日得苟延。明日信悠悠。見爾已心酸。聞語涕更流。嗟爾本良民。誰使填壑溝。羞澀客囊空。聊復遺乾餼。恭聞聖天子。西顧垂殷憂。赫怒誅貪殘。中丞行部搜租逋。檣蠲除懷綏。渥且優。勿作他鄉鬼。努力返田疇。

李天塹刈麥行見田家門

欠糧民

李化楠

欠糧民縣差捉來催比頻一一喝令伏階下衣襟露肘  
皮肉皴或老或少相扶拽堂上長官詢緣因去年牒下  
今幾月粒米無輸何逡巡別戶完納皆最早獨爾拖欠  
真可嗔縣官呵咄言未絕中有老翁向前說長官可容  
聲訴乎題起源頭淚嗚咽田必有糧何容諱我糧雖有  
田則未田在元明間曾有祖產傍海陬當年頗稱膏腴  
地歲歲每有千箱收爲苦潮汐不時至年深久刷成沙  
洲至今已作鰕鱖窟荒荒一片泥淤浮後世無田艱餬

口爲人作傭乞升斗少壯猶能力經營今已衰疲成老  
叟我聞此言心爲悲撫之不暇安忍管爲民請命牧民  
事莫似春陵但詠詩

催租行

金蓉

東鄰野老慘不樂狀如紇于山頭雀飢來乞食走荒邨  
逢人欲語聲先吞云自三秋黑螟舞田禾漂泊偃黃土  
上官連章報有秋縣官徵租苦誰訴朝行北山麓暮宿  
南陌頭阿婦已填溝壑死阿女遠隨估客舟家有黃口  
兒不知今在否仰天一慟淚交流悲風蕭蕭起長楸君  
不見官衙對雪張高宴里胥持帖下鄉縣



徵穀謠

勝丁巳有  
所見而作

王惟孫

月黑鵲鵲呼飛啄人家屋昨夜縣符下火速徵官穀惡  
吏如虎虎擁狼踞坐上頭索酒肉窮年辛苦奉公家誅  
及雞豚猶不足官府愈怒吏愈橫寡婦哀哀舍南哭夜  
深聲咽四壁愁吏醉去眠寶釵樓

催科

陸繼輅

催科沿陋習縣官利贏餘撫字果心勤彼民亦樂輸嗟  
哉大杖下日夕聞號呼欲識官心腸但看民肌膚

宿田家書所見

趙紹祖

日暮傍田家叩門欲投宿啟戶有老翁相迓入其屋告

以近市人偶然來山谷爲問今年荒田家恐不足老翁  
聞我言色變意轉酷答言去歲歉家猶有餘蓄今春連  
夏雨無麥復無粟合邨婦子號一日不再粥縣令不報  
荒催科似火速追呼已難當加之以鞭撻歎息言未已  
兩吏來相逐老翁急避走入門肆督促向客索主人復  
訝面小熟亟去適鄰家隔籬聞索穀捉雞徑出門邨店  
換酒肉

納糧歎

王廷紹

贍軍採買民間糧邨民賣糧投官倉官倉距邨近百里  
有翁守糧泣路旁自言種田五十畝每畝獲糧不滿斗

採買不問年豐荒惟計丁糧查戶口昨日里正下鄉來  
頭橫阜帽腰朱牌據牀先索雞與酒酒酣叫罵聲如雷  
我子官僉送戰馬我女前邨已早寡老妻貸來半斛糧  
是女轉向鄰人假白頭負重步蹣跚有糧何能遽到官  
但願明年無水旱不妨今歲耐飢寒官倉斗大民間小  
民間價昂官價少官價從來不給民納得糧時官債了  
那知路逢納糧人未曾到倉倉吏嗔謂粒不圓兼不燥  
將回速將陳易新我家之糧已全糶有田尙沒黃河漕  
吏怒官威可奈何官軍又出延津道

鄉收歎

縣官臨鄉催  
科日鄉收

齊彥槐

邨邨夜半敲銅鉦明日鄉收官出城狼胥虎役至百十  
連邨雞犬爲之驚排門逐戶搜家具婦女簪環皆攫去  
銀鐺拖曳老翁來痛杖纔虧五分賦倍完不過銀一錢  
欲脫銀鐺錢十千逍遙那及乞丐好家家賤賣完糧田  
捕蛇者說非虛託蛇果不如胥役惡君不見驚妻質女  
供官差哭聲一路皆鄉約

王省山吳中吟見財賦門

邨籬歎

官到催租則邨人傳鐸以警衆

馮詢

東邨打籬西邨驚破籬皇皇作飢聲飢無宿糧官催征  
嬌兒夜嘸爺早興爺謂怕籬避籬去打籬人在爺何處

安得碎鑼鑼可嫌碎以爲鋤爲鈎鑷地無鑼聲是樂土  
春社釀錢奏簫鼓

新樂  
府 打比較

銘 岳

打比較二八卯堂鼓鑿鑿人擾擾比簿圈分印刑筒籤  
亂抽阜隸騎人如騎馬阜隸打人如打牛明朝奉票又  
下鄉但聞鄉裏鳴銀鐺鳴銀鐺催完糧官催完糧民不  
少民已完糧官不曉者番錢米且下腰下卯上堂聽比  
較

催租吏

蔣 坦

催租吏夜捉人手持官票月怒噴今年不用折錢例縣

官要納投封銀堂下  
瑟瑟響衙鼓堂上錚錚拖鐵鎖傳  
呼暖閣聲若雷怒擲紅籤疾於火  
前差去後差來舊糧  
納新糧催鄉絲未熟布衫破質庫  
擲出嘸聲哀老翁不  
歸老婦檣數錢先納肩輿資里胥  
好言勸煮飯荒廚塵  
甌難爲炊鄰家借米米色糙小兒  
怕看紅纓帽明朝計  
費無一錢過卯任捉老翁到

封櫃米

又

封櫃米石米每加一石米歲入官  
其二屬胥吏胥吏日  
日鼓腹游揮金夜宿倡家樓東鄰  
翁嫗頭皆白咿啞相  
對燈前泣夜半里保來具說縣官  
尊催索額征米折價

錢七緡硃票赤於火鐵鎖來捉人老翁股戰栗哀白里  
保言請展五日限納費八百錢老嫗見里保趑趄不敢  
前坐必里保上食必里保先天明揚長出門去翁廚三  
日無炊煙

閨媛高景芳輸租行見漕政

稅斂

機毛行

施閨章

田家飲泣罷爲農悔不將田全種機無苗高坐忍餓死  
無機撈繫千家空可憐機毛歲一割割剝非時機不活  
況復山家種植稀咄嗟那可飽搜括官家作艦頻遣兵

樓庥聚斂盈空城庥雖倍直土所出樓非厥產從何生  
羽書飛促勢倉皇用三作一不相當誰知轉自蕪湖買  
婦無完袴兒無糧連歲兩河需柳埽芻粟三秦重荒耗  
普天萬國困軍儲分在供輸復誰告語卿忍淚且勿悲  
人間禍福無窮期不見西南戰地赤殺人如草鳥不食  
但令瘠土莫干戈力盡輸樓死亦得

信民謠

六首

鄭日奎

鉛山紙堪束冊厚如錢白如雪尤物勞民民力竭幾工  
能得一番成官府一聲千萬幘但願交官官不怒價值  
有無誰敢訴



靈山茶浪得名一壑鮮芽曾幾莖風味敢與蒙芥爭長  
官徇名不問實公私食用皆取給羣豪茗戰華軒時山  
氓痛哭那得知

玉山燭纔盈尺膚裏光焰雖絕殊總出民膏與民力官  
司科索無常例一呼不應施鞭箠有心同燭焦有淚同  
燭流柏樹柏樹爾之光

湖山虎文采異官愛虎皮責獵戶不用持錢入市肆獵  
戶聞命如聞雷張弓冒險山之隈昔苦虎不去今苦虎  
不來雖餵虎口何足哀

汭川鯽味信美誰教汝能實腸能調胃官一票動百尾

數不足榜欲死我行代汝供刀几。

信州穀何太賤價百錢無人問不課不供父老怨且莫  
怨還應喜誰家更有買穀錢一歲不登大亂起飽餐飯  
耐鞭笞但得宰家不分離猶勝死兵與死饑

采砂謠

田雯

大如斗赤如日官府學神仙取砂何太急

一解

囊有砂

瓶無粟奈何地不愛寶產此茶毒

二解

砂盡山空而今

烏有阜衣夜捉人如牽雞狗

三解

匍匐訟堂堂上大呼

弗已誤我學仙不長生爾當鞭笞至死

四解

淘金謠

又

淘金戶淘金大江側水深沙淺淘不得夜聞追呼來打  
門官司追課如追魂呼童挑燈取金看囊中祇有分毫  
積金多課少輸不及里胥大怒遭拘執賣金買寬限金  
盡限轉急往來坐牀頭婦子相對泣相對泣亦徒爲輸  
官難再遲南莊有田尚可驚莫教過眼遭鞭笞獨不見  
西家賣金猶賣屋戶戶逋金金不足

梅庚菽麻行見樹藝門

錢以境隰州雜詩人丁一篇見輿地門

豫民謠

邵長蘅

大車何碌碌小車何逐逐牛蹶剝剝石确确運米連連

入函谷只言秦民饑。不顧豫民哭。百金僦夫致一車。富家賣田資賣犢。米入函谷關。倉困高如山。不救秦民饑。只飽秦倉鼠。秦倉肥鼠大於狸。秦民羸作溝中土。

乞食翁

陳恭尹

冥冥青楓林。戢戢歸飛翼。飛鳥亦有巢。老翁行乞食。問翁何方人。揮涕答不得。良久前自言。家在東山側。薄田五十畝。父子栽黍稷。宿昔天地平。黽勉努筋力。中婦提壺漿。小婦當機織。老妻低白頭。扶孫共匍匐。冬日農事歇。斗酒呼親識。雞豚稻粱飯。壯我衰顏色。甯知屬戎馬。秋毫見取索。一歲耕且鋤。不足供賦役。芸田倦未起。肢

體被鞭策。貧家力已竭。公家求日益。有田以自養。反以  
速窮厄。欲賣與豪家。鄉鄰少人跡。當時富貴者。荒草生  
空宅。歸來語孫子。流離任所適。重恐官吏至。豈能受逼  
迫。黃泉亦相見。何必人間客。欲呼一飯別。盜無半升麥。  
出門各分手。痛哭辭阡陌。哀哉竟至今。兩不聞消息。老  
身一葛衣。朽爛委荆棘。餓死汚人鄉。不死長悽惻。昊天  
澤萬物。我獨懼斯極。下民日憔悴。上天安可測。

蘆洲行

查慎行

江干積薪如列屋。巨艦裝來聯萬斛。天生此物充正供。  
歲歲陳根發新綠。舊崩沙岸冊未除。新漲荒洲報方續。

三年一丈久成例增減何曾量盈縮不知此課起何年  
坐待摧枯涇同束我聞王政有遺利藪澤閒田聽樵牧  
如今尺寸籍農丞作俑必由桑與卜踏地輸租爾勿慳  
逃空那得出人間但看歸雁知人意不敢銜蘆徑度關  
宮鴻厯新茶行見樹菽門

朱頴淳水蘭篇見貢獻門

采蕈歌

程夢湘

平地猶高山猶輸納土稅非一朝土稅維何茶與蕈地  
瘠山荒爭采盡采茶猶自可采蕈愁殺我今年春雨何  
其多猶民采采山之阿蕈少雨多將奈何我聞前宵有

吏徵租到獠戶。獠民畏之猛如虎。嗚呼宰官何忍以口腹之細故。竟使吾民受煩苦。朝來叱吏聲其罪。自此永除香蕈稅。

甯夏糧草稅

收靈武作靈武隸甯夏郡

楊芳燦

邊徼地何瘠。罷民心所矜。歲收無常數。賦入有定名。夏麥秋穀粟。二豆莞與青。四色分兩稅。畝入斗二升。析爲子母耗。芻束相因乘。其餘減則地。五稔裁一登。差徭復叢集。與田爲重輕。計彼平歲獲。奚止大半征。况又科所無疲喘。何能勝繭絲。吏有職按簿。事敵撈米鹽。綜纖悉瓜蔓。紛鉤縈不知入者寡。烏知取者盈。側聞前明日。置

屯此邊庭沿河九衛所一一習戰耕軍三屯戶七二丁  
資一兵取足峙芻糧歲收算其贏地利既殫盡百役滋  
繁興軍操著空籍賦額懸逃丁撒派事紛拏包賠議沸  
騰卓哉朱笈疏一字一撫膺我朝覃天澤深仁被邊  
氓蠲賑若山積休養致太平小臣來吏此纔閱五歲星  
前春豁逋欠今歲復減征時聞諸父老感激涕縱橫

甯夏  
采風渠工稅注見上

又

黃河走鳴沙雙峽名青銅洪濤一縛束勢急如張弓靈  
武秦漢渠上流扼其衝刷沙借水力疏濬易爲功春融  
土膏發士民自鳩工錢不借水衡費不煩租庸相安百



餘年衆議無異同郡城渠有四漢唐畱舊蹤我朝復  
增置天澤何龐鴻灌溉十萬區禾麥青芄芃農祥甫晨  
正土脈如撥麴長官符亟下按畝人夫充土石雜薪槎  
堆積如山崇萬人具畚鍤築鑿聲隆隆大渠三百里支  
渠橫復縱料理稍不愼奔潦仍相攻千緡萬家產擲向  
波濤中溝人大修防民力或不供里長貸官錢逋欠還  
重重利害固相倚苦樂殊未公所願良有司樽節念疲  
癯勿受黠民欺勿爲奸吏蒙恃人不恃法慮始復慮終  
任人專則奮用法簡則從始事宜急急終事毋恩恩庶  
幾金隄固耕鑿安三農

間架稅

唐靖

高風搖層巢衝波潰伏穴災至何所逃棟宇靡安宅縣  
官踏街衢鞭度督尋尺市廛旣櫛比一一登方冊郭外  
中田廬桑榆掩阡陌喧喧騶從來露冕巡郵暇茄椒幾  
枝椽華門幾柱碣豈有奇贏資亦賦金錢額三載役軍  
興箕斂力已竭秣馬刈新禾鑄礮銷農鐵誰爲桑孔臣  
剝膚及樁骨。

蘆田歎

吳嘯

種田未熟先種蘆蘆田亦納官家租郡符縣帖日數下  
謂此尺寸皆膏腴春風暖吹蘆葉大秋雨冷浸蘆根枯

去年蘆花大於雪飛滿邵伯秦郵湖今年湖水漲千尺  
波浪屋角搖菰蒲此身且未判生死詎惜半畝蘆田蕪  
奈何租吏無時無

稅契歎

齊彥槐

國家稅契無定額不比催科嚴考覈民間買賣况無常  
百契那無一張白持符蠹役恣騷擾驗印奸胥工恐嚇  
罰惟半價索之全稅止十金需者百山人僅有山數畝  
白契康熙遠年迹銀鐙繫頸犯彌天賣卻青山案纔息  
等閒一紙可傾家從此無人買田宅

力役

水夫謠

錢澄之

水夫住在長江邊年年捉送裝兵船上  
下水不計數但見船來點夫去十家門派一夫行生死向前無怨聲  
衣中何有苦搜索身無錢使夜當縛遭他鞭撻無完膚  
行遲還用刀箭驅掣刀在腰箭在手人命賤同豕與狗  
射死紛紛滿路屍那敢問人死者誰爺孃養汝纔得力  
送汝出門倚門泣腐肉已充烏鳶飢家家猶望水夫歸

捕匠行

錢澄之

今年江南大造船官捕工匠吏取錢吏人下鄉惡顏色  
不道捕匠如捕賊事關軍務誰敢藏搜出斧鑿同賊賊

十人捕去九人死終朝鎗斲立在水自腰以下盡生蛆  
皮鞭亂揮不少紆官有良心無法救掩鼻但嫌死尸臭  
昨日小匠纔新婚遠出甯顧結髮恩書被鞭撻夜上鎖  
早賣新婦來救我

牽船苦

陶澂

前月馳檄來盡說兵船回上官號令殷如雷輿僮驛吏  
紛相催城中壯夫應入選千錢百錢俱得免蚩蚩只有  
田間氓帶索驅來似牽犬臺前點唱各應聲分曹逐隊  
城中行羈縻不得暫歸去待食可憐雙目瞠此時茫茫  
斷消息半月一月那有極鶉衣蓬首面黧黑耕穫無人

思如織才聞鼓角臨風前城中叫呼聲徹天十人共索  
聚城下計取百人牽一船船中貴官意殊別不事風帆  
事牽拙沙膠水淺船不行到處鞭笞背流血迢迢百里  
見淮陰明日牽船更有人吹角插旗城下住看爾辛勤  
送前去

築隄苦

又

築隄苦三日築成五丈土束薪爲橈土爲輔千人畚鍤  
百人杵勉力向前各俯僂不爾恐遭上官怒曉來併築  
臨河洲紛紛築者當前頭豈知再決不可收飢魂弱魄  
沈中流沈中流築隄苦新隄不成還責汝我心憂傷淚

如雨。

挽船曲

梁清標

甯爲官道塵。勿爲官道人。塵土踐踏有時歇。人民力盡  
還戕身。長安昨日兵符下。舳艫千里如雲屯。官司僱夫  
牽纜去。扶耆攜兒啼滿路。邨邨逃避雞犬空。長河日黑  
濤聲怒。絳夫追捉動數千行旅。裹足無人烟。窮搜急比  
勢如火。那知人夫不用用金錢。健兒露刃過虢虎鞭箠  
叱咤驚風雨。得錢放去復重僱。縣官金盡誰爲主。窮民  
袒臂身無糧。挽船數日猶空腸。霜飈烈口任吹炙。皮穿  
骨折委道旁。前船夫多死。後船夫又續。眼見骨肉離安

能辭楚毒呼天不敢祈生還但願將身葬魚腹可憐河  
畔風淒淒中夜燐飛新鬼哭

挽船行

孫廷銓

中流振簫鼓云是貴人船挂席滄江上弭櫂春城邊城  
邊何蕭條空屋澹無煙征帆遲不發錦纜須人牽州符  
下四郭悉索其敝廬父老帶丁男腰鎌往麥田但有寡  
妻存力不任牽連來騎一何怒飛轆走闐闐鞭撻縱橫  
下不得少遲延銜索似枯魚什伍且俱前裹糧不及夕  
往返動盈千聲勢若雷霆道路競喧傳皆云江南來東  
人投逝川微軀誠自惜甯爲問募錢長吏且被縛長跪



乞見憐蠲除雖有詔趑趄未敢言。哀哀挽船行時命亦

已然

詩觀評以擬少陵無家別諸篇可謂神似

築城行

王庭

日長築城多日短築城少。長城萬里餘日築苦不了。農夫荷鋤朝出田官差捉人行向邊。有身多作城下土。築城還家十無五。

鄰翁行

吳嘉紀

鄰翁皓首出門去。慟哭悔作造船匠。伴無故舊囊無錢。此去前途欲誰傍。聞道沿江防敵兵。造船日夜聲丁丁。工師困憊不得歇。張燈把炬波濤明。監使還嫌工弗速。

如霜刀背鞭皮肉肉爛腸饑死無數拋卻潮邊飽魚腹  
力役人稀大將嘖遠近嚴搜及老身眼看同輩死亡盡  
衰羸焉有生歸辰回望故鄉妻與子蕭蕭落木西風裏  
爨下連朝方斷炊柴門寂寞無鄰里常憑微技自圖存  
微技誰知喪一門君不見船成蕩漾難舉步千檣萬櫂  
蘆灘住增金急募駕舟人有司又派江南賦

苦役行

郭鳳喈

朔馬下南征羽書調役急倉卒用萬人派令田賦出官  
差夜打門啼兒復吠犬貴賤總不分捉應縣官點三鼓  
赴軍前繫縲防躲閃肥男扛大銃瘦男負矢韃疾馳逐

橐駝困憊足雙趺飢渴死道旁尸骸溝壑轉丁徭有常  
供驛傳有常額兵興二十年權宜措大役誰知征戰罷  
役苦仍未革郡小遭摧殘民力衰已竭

點夫行

王待

市頭五鼓爭喧呼撻金伐鼓點絳夫傍人借問向何處  
云送蒙古鐵騎還京都麻繩纍纍如魚貫面無人色髮  
蓬亂縣吏亭午開重門傳呼一聲爭叫奔點畢驅之空  
室裏萬姓搶頭淚如水三日一食那可得妻兒飢號來  
索米十日半月艤艫至傳令開門拽船去霜旗狼燄騰  
寒空扈裘貂帽彎長弓高顴紫髮雙睜瞳見敵卽慙民

卽兇。緯夫相戒。須努力。足步稍緩。生荆棘。身無完衣。腹  
無食。清霜夜半。迎風泣。舟子持挺。索大錢。出之稍遲。揮  
長鞭。路上橫屍。相枕藉。飢鳥飛啄。狗爭食。回頭道上。聞  
傳呼。縣吏急來催。緯夫。

派夫行

張新標

樓船戕戕。乘漲急。府帖傳呼。夜如織。派夫踰萬備。牽輓  
長年胥吏。逞胸臆。前驅丁壯。已傾城。去住存亡。無信息。  
閭左那更有餘丁。吁嗟欲訴口如塞。吏呼轉怒益何驕。  
曉事里人承顏色。比戶競輸長例錢。殷勤猶恐生反側。  
上戶買脫中戶隨。寂寥窮巷悲何極。籍少差繁按冊呼。

拘繫空房虞遁匿母餉子兮妻餉夫可憐十日不再食  
大纛高牙頭站來肆言夫少恣培植驅人無異犬與羊  
欲生不得死不得官長猶遭怒罵威小民血肉豈堪惜  
老胥見勢且逡巡慎莫近前逢怒噴歸來宿逋今償得  
他日攤夫再向人。

開河

陳維崧

前年大水廬舍沒今年無雨井泉竭江南江北盡開河  
官司夜點開河卒朝開河暮開河河身龜坼將如何干  
夫畚鍤競邪許淤泥堆積成陂陀三日開一尺五日開  
十步監河使者河上住虎鬚錦繖一何怒苛毆大編誰

家子楓林祭饗到羊豕船頭打鼓催發船那得河中一  
杯水官艚罵吏吏罵夫爾曹飽飯何爲乎河夫聞言淚  
雙墮家貧路遠夫常餓君不見河乾田焦冬復春滂沱  
須賴皇天仁缺斂洵得送沽酒官莫枉卻開河人

匠車行

姚士堅

匠車過聲唧唧道傍聞之起歎息停驂試問車中人吞  
聲躑躅爲具陳蠹爾小邦梗王化開疆急用水犀兵鴨  
綠江頭風浪闊艤舳舻不日成羽檄分馳募匠役昨  
攻匠役復不精縣吏按籍點我來有身敢避邊疆行昨  
遇彼土更戍者爲道四時竟無夏冰雪連天自古今春

動土浮時沒馬林深曦影不到地熊羆清晝咆大野日  
雜虎狼行暮伏蒿萊下當時同行惟我還訴到艱辛淚  
猶灑我聞此言心如擣萬里一身隨百草父母生我時  
望我攻藝娛其老我今無還期生別惻惻傷懷抱安得  
同鄉爲寄書爲報已死陰山道噫吁嚱不願生入榆關  
前但願死去消息傳地下煩冤何日訴年年鬼火照寒  
邊

索夫謠

管 楡

蠻天怪事無不有官票呼夫類呼狗蠻天郵政何可常  
官符驅馬如驅羊黔山嶺翠高滇嶺崢嶸起中畱一絲

路相距二千里。猓苗叛服由前朝。置軍設衛煙氛消。我朝威德奠八極。改立郡邑紛官寮。租庸輕末地。甌脫歲輸金帑。連金鑣。強臥山城獨無事。常脫冠服隨耕樵。誰知一事更瑣細。頭銜夫長兼廐吏。前差猶未行。後使復相繼。短衣匹馬何其雄。手持旗布三尺紅。傳聞一片使差至。奔走婦女號兒童。翻身下岡三十里。疾若過鳥追颼風。入門大吼震山谷。呼雞盈盤酒盈斛。從奴十人韎韐裝。列坐彈箏并吹竹。明朝侵曉將出門。輿騎雜沓闐城闐。闐餘威鞭馬復鞭卒。背似土牛著鞭裂。泣言去歲當農忙。肩挑背運走且僵。石田礲硤不得種。日日采蕨充



餽糧君今輜重計盈百十步九頓還跋蹠送君前行免  
鞭撻後來又有軍門差

管榆點夫行見科派門

麻陽運船行

查慎行

麻陽縣西催轉粟人少山空聞鬼哭一家丁壯盡從軍  
老稚扶攜出茅屋朝行派米暮催船吏胥點名還索錢  
輓轡轉組出井底西望提溪如到天麻陽至提溪相去  
三百里一里四五灘灘灘響流水一灘高五尺積勢殊  
未已南行之衆三萬餘樵爨軍裝必由此小船裝載纔  
數石船大裝多行不得百夫并力上一灘邪許聲中骨

應折前頭又見波濤瀉未到先愁淚流血脂膏已盡正  
輸租皮骨僅存猶應役君不見一軍坐食萬民勞萬氣  
難甦士氣驕虎符昨調思南戍多少揚麾白日逃

憫河夫

邵錫光

予上淮安竄名入編伍鑿築限嚴程稽遲罹罪習催  
工下文書翹翹插雙羽主將心徬徨上官親按部曉夜  
趨奔鋪無時住馨鼓冬衣麻布裳尖風注強弩夏日面  
目焦蛆蟲生兩股言念同役人半作河旁土一日遲給  
糧飢焰灼肺腑一日折給銀十分短四五肢削任爪牙  
何途籲憲府長跪訴長官祈念貧役苦一訴長官慚再

訴長官怒差役督工程鞭箠倍嚴楚天高呼不聞忍悲  
淚如雨

開河行

順治丁酉作

殷陞

十有四年歲丁酉余冒風寒臥疴久清晨有吏羣打門  
踞坐揚聲若雷吼云有憲檄下鑿河惟恐後官儒與大  
戶派工同計畝勤者賜帛給牛酒惰者鞭撻隨械杻余  
向老僕言汝急備糧糗勤督諸佃戶濡遲惟汝咎老僕  
謝主人茲事殊掣肘昨朝至河上舊道咸岡阜深尋廣  
十丈俯瞰勢壁陡輪租按籍有某某半已竄亡半病叟  
出錢雇募工浩繁大則傾倉小傾缶主人聽僕言有懷

無從剖典衣盡絲縷發粟捐甌甗嗚呼去年鑿練川勒  
石誌不朽今年開劉河兩邑奉奔走開河本利民利興  
弊亦有愚民破家爲禍首奸徒包攬乃利藪東邨易濬  
西邨難甲乙挪移在人手使君兮使君千丈渠成萬骨  
枯作此哀歌告我友

築隄謠

李勅

歲築隄築隄苦止二更作五鼓十人饘粥一人煮刻期  
會食時用午河凍冰冽鑿冰破膚鑿冰行取泥賤命而  
貴土寒雲漠漠天雨霜督工長官髭鬚黃烹羊宰牛持  
大觴持大觴威如狼

里胥歎

馬駿

得已之役役不已。里胥夜半鞭夫起。腳踏層冰手抔土。  
髀肉凍裂黃河裏。可憐民命等鴻毛。哀怨無聲霜月高。  
孟冬捉人季冬放。尙說翻工到河上。河上河徙河岸決。  
驚濤一片噴黃雪。千邨萬落竄蒸黎。河伯爲災里胥悅。  
里胥悅。金錢竭。

絳夫哀

鄭世元

行行重行行。但聞岸上搯搯牽船聲。赭衣赤棒亂鞭走。  
眼穿不見杭州城。途長角重腰骨折。日午未食飢腸鳴。  
脣焦口苦呼荷荷。眼見性命須臾傾。低頭躑躅不敢哭。

但云願死不願生長官莫逞威繹夫敢訴情繹夫不是  
狸狎囚乃是天子版內之良民胡爲性命視如雞犬輕  
雞猶棲於埽犬猶得主憐司晨守夜各有候飲啄猶自  
全其天嗟哉爾繹夫果然性命不如雞犬輕日暮忍餓  
仍驅行。

河夫謠

朱一蜚

朝開河暮開河朝開一尺深暮開一丈多一丈無獎勸  
一尺有鞭呵嗟哉民力能幾何五更往役霜滿衣日暮  
不歸妻啼餓河夫河夫爾誠苦督工掌家不須怒官作  
有程限河夫豈敢誤長官裘馬不知寒可憐河夫衣服

單力役本是小人分。凍死河頭不敢恨。

挽船夫

沈德潛

縣符紛然下役夫。出民田十畝僱一夫。十夫挽一船。挽船勞力聲邪許。趕船之吏猛於虎。例錢緩送卽嗔喝。似役牛羊肆鞭撻。昨宵聞說江之濱。役夫中有橫死人。里正點查收藁葬。同行掩淚傷心魂。卽今水深泥滑行不得。身遭撻辱潛悲辛。不知誰人歸吾骨。揀將軀命隨埃塵。茫茫前路從此去。泊船今夜在何處。

官繹夫

吳省欽

馬悠悠車班班。陸程緊水程寬。繹夫牽船如蟻攢。祇憂

飢勿憂寒流汗浹背風吹乾風利腰挺挺風逆腰環環  
官人坐船伐鼉鼓疾行貨汝綬鞭汝纔送前官迎後官  
官人猶說坐船苦

陸緯歌

點山陡削肩輿不能上乃繫二繩於輿之  
左右使人分曳之以佐與人名曰緯夫余

憫其勞因  
爲之歌

韋謙恆

犖犖确确穿山坳居人騰趨如飛猱肩輿送我巖邊宿  
若遵大路忘其勞忽見懸崖插千仞輿臺趨趨不得進  
短纜聊同上瀨船長繩略似服箱紉一夫邪許衆雷同  
牽挽直到層霄中蝸角雙雙向人面蝦鬚裊裊當晴空  
行步雖工力已竭白汗翻漿僅免蹶枉希代馬強追風



翻類吳牛驚見月。峯頭已過喘未停。息肩相與趨郵亭。  
得錢幸足供醉飽。小人勞力古有經。棄馬用人我心忤。  
肯惜傾囊爲軟腳。安得更籌衣食源。俾爾長享田家樂。

人夫謠

張雲璈

一日更一驛驛更夫亦更頓此蚩蚩輩送我赴前程。此  
輩本烏合無由問姓名。避役先避重取值必取盈其性。  
既狡獪其狀似愚癡。有時得錢足遂復姦計萌中途遽  
逃匿鬼蜮無由偵。倍值重雇募敢惜緡錢輕。古時驛有  
卒此法已難行。有夫猶有長庶可專責。成踪跡得其實。  
往來毋敢營。大府遽裁撤。自謂弊可清。遂貽行旅累。弊

乃百倍生。有舉莫或廢。頗覺斯言誠。所以賢大吏。貴在

通下情。安慶向有夫頭自某制府裁革後人夫多逃頗為行旅之苦

轉粟謠。少陵西山詩轉粟上青天余征苗還桂江舟中誦此句歎其工爰憶昨事作詩紀之

吳俊

萬兵日食米百石每石四夫肩頰劬。人負二斗二升里壁陟絕處苦不勝

甲鎧鍋帳藥鉛礮百兵又需六十夫一夫升米累而計

千石僅足五日儲平原轉戰何足道輜重絡繹驅長涂

所苦青天切天上鳥道一綫旁趨無躋則入雲顛墮谷

膏血點點塗榛蕪將軍號令如火急帳下廋語庚癸呼

俛見溝底小旗出。每運糧一起押運者執小旗前行千百蟲蟻行蠕蠕

知是江內運糧至合軍洗釜顏懽愉竭夫之力飽兵腹  
兵飽夫已白骨枯古今情事類如一黔山不與蜀道殊  
我無杜陵驚人句哀此役夫長感吁天寒賊退米垓積  
將軍馬上彎天弧歸來笳鼓競雜遘好事爭繪征苗圖  
嗚呼與其繪此征苗圖盍不收取役夫之骨還彼父母  
與妻孥。

築城謠

錢九韶

城垣塌盡土沒隍盜賊夜上縣君堂縣君聞之色倉皇  
慨捐清俸築城牆三百青銅木尺五三分雪花一板土  
良吏分明特辛苦惡役騷擾惡如虎役衣裘百姓愁役

食肉。百姓哭。築城衛民。民先死。盜賊乃在公門裏。

擔夫歎

張 井

雨後官道泥滂沱。縣吏奔走達官過。擔夫足脰身短簑。  
邪邪許許聲相和。平地泥淖成深河。况乃山澗縈陂陀。  
沙石刺足如刀劖。痛哭誰敢爲延俄。不知擔中物爲何。  
使我不得稍伸哦。使我一步一蹉跎。督役官人青油鞵。  
馬上搖鞭生怒訶。不見北來雙行羸。估客捆載高峩峩。  
蹈泥馱走疾如梭。汝今濡滯意則那。垂泣告官莫太促。  
擔夫生來止雨足。

河上謠

毛國翰

濁水一石泥一斗泥作河隄水作口官吏捉人長築隄  
不見河隄種蒲柳朝來北風吹大雪貧兒袖短不掩肘  
僱卒豈無官庫錢白遭凍餓常八九去年河決高家堰  
萬落千邨爲澤藪大黍小黍果魚腹腰鑣那得姑與婦  
存者兒女無人賣十家病餓九家走荷鍤來充築隄卒  
歲晏生理復何有轅門擊鼓懸大旗筵上貂裘蒙錦衣  
往年隄上官馬瘦今年隄上官馬肥沿河催呼築隄卒  
不見隄旁凍死骨

起夫歎

劉嗣綰

吏胥起夫聚鑼鼓攔街捉人入官府人畏吏胥如畏虎

吏胥捕人如捕鼠。吏胥十錢不給五。紛紛欲逃路途阻。  
此時田功正勞苦。田中亦有虎。田中亦有鼠。田中無人  
鼠食黍。哀告吏胥。胥不許。朝來便是催租人。鞭撲相看  
淚如雨。

江山與夫歎

沈學淵

車不方軌。馬不前。竹堦穩臥羣峰巔。以人之肩代我足。  
客囊不惜青銅錢。與夫向我忽三歎。如此錙銖君莫算。  
駟牙飽橐。吏飽囊。畀余區區不及半。飛舄三百路四程。  
裹頭白髮吹星星。爲言前日貴官過。僂從嘆余太軒簸。  
一偃再僂不敢言。酬以力士黃絲鞭。橋亭小憩秋陽熱。

祖背示之猶見血

輿人哀

楊鏐

大府朝向京口行大府夜跼歸金陵主簿持鞭縣官走  
馬蹶騰踔堅冰鳴大府輿儻氣如虎呵斥縣官視如鼠  
縣官惴惴供應忙輿夫三百肩衣箱驛程二百錢五十  
足蹂泥溜餐冰漿酸風攪雪龍潭黑輿夫僵踣行欹側  
白桿如刀裂凍膚夜深獨立吞聲泣東隣同伴昨到家  
五人凍死埋江涯兒啼母哭縣門訴縣官沉醉難排衙  
過壩謠  
又  
上壩挽長繩下壩收短綆高低三尺水長養百夫命客

船上壩橫索錢官船上壩不敢言官船搖鰲西冷去大  
笑客船如上天

壩夫詞

徐 綫

生小不種南山田日往壩頭盤客船  
轆轤挽索牽船過前者發聲後者和  
朝朝暮暮走不停盤旋恰似牛上磨  
前日雨多水溢隄隄尻一半沾淤泥  
今朝風雪塘水凍冰竿環環觸手痛  
在生誰勿惜苦辛一家所仰惟一身  
破突無煙盜無粟天寒日暮愁殺人  
傭值分來不滿百猶足還家煮糜食

傷夫頭

張朝佳



夫頭貪利競相逐共道河泥可充腹

俗謂包河者為喫河泥

拖泥

帶水走江干沙渚紛紛聚如驚誰知胥吏貪更甚安坐  
欲食夫頭肉土丈加二錢折七夫頭再扣十存六錢少  
雇夫夫不來拈向泥中受鞭扑胥吏腰龕夫誤工東家  
賣田西賣屋吁嗟乎賣田賣屋償不足夫頭紛紛入牢  
獄

魏塋濬漕河篇見漕政門

丈量補

縣總行

羅天尺

無田苦苦易知有田苦苦難支無田之苦上無以事父

母下無以畜妻子無田無年死已矣有田到底無田似  
鄉落傳來有新政清丈嚴行奉憲令縣總都總大似天  
沿門日索公食錢腰牌在身恣吞剝歲暮猶自催量田  
弓步手書算手量寡量多爾何有曉事還應出例錢腴  
田尚可填荒藪錯上上田中中大官按冊魚鱗封坵段  
井然易不得易不得賤子有稅無田插獨搖雙觴江心  
立

稅斂補

題杜太守

甲

知通州日罷權油酒雜稅文檄後

王元啟

關征暨廩稅國賦自有常誅求逮負販奉法殊未減公  
心切民隱疾痛如身嘗作書告大吏陳義何慨慷飛章  
達宸聽恩語來天闔歡聲動衢巷共拜聖澤長  
乃知盛明世選吏須循良德澤不下究吏實乖其方公  
恩廣且永潞水同汪洋

力役補

輿人行

林則徐

輿天習險百不驚登山乃如平地行陵危反試騰踔力  
連步不聞喘息聲眼前羣峰矗如削徑窄林深石頭惡  
拍肩竟作雲中遊失足眞防天外落心欲止之不可留  
曲於旋蟻輕於猴但看偃仰若無事已是崔巍最上頭  
前者歌呼後者應歌聲啁哳難爲聽我恐須臾繫死生  
彼方談笑輕身命嗟爾生涯劇可憐勞勞竟日償百錢  
答言不覺登頓苦生來慣戲巉巖巔卸輿與汝息腰腳  
殘杯冷炙付汝樂誰知酣戲夜不眠野店昏燈縱蒲博

國朝詩錄卷八終